



DEO OPTIMO MAX.
UNI ET TRINO,

VIRGINI DEIPARÆ, ET S. LUCE,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum die Jovis vigesima-secunda
Decembris M. DCC. XL.*

M. BENJAMINO LUDOVICO LUCAS DE
LAUREMBERT, Doctore Medico, Præside.

An demersum vitæ fomes ultimus, Respiratio?

I.



CTIONES principes, quæ in corpore humano
exercentur per motum humorum in vasis suis, & per
horum in illos renixum; ex more recepto functiones
appellantur: hæ verò solent distingui in vitales, na-
turales & animales. Vitales sunt quæ vitam ita essen-
tialiter constituunt, ut hæc iis ne ullo quidem instanti carere pos-
A

sit, talis est musculosa cordis, & secretoria cerebelli actio; sanguisque & spirituum per organa illa, horum arterias, venas, nervos circuitus: unde has in suâ perfectione multum augeri, minuique posse constat, vitâ tamen adhuc superstitè, ipso corde exsecto, brevis tamen, & aliqua species vitæ non modò, sed & motûs superest, imò & cursûs: hoc experimento G. Harvei comprobatur, dum anguis vivi dissecti cor per integram horam placidè & distinctè pulsare monstravit, itâ post exenterationem diu saltantes ranæ, sic corda animalium per aliquod temporis spatium, à morte aliarum partium pulsantia, cor ultimum moveri, proindèque ultimum vivere evincunt. Naturales audi quæ assumpta sic mutant, ut in naturæ nostræ partem abeant, quales sùnt viscerum, vasorumque actiones, & humorum recipientes, moventes, mutantes, miscentes, secernentes, applicantes, excernentes, consumentes; quæ etiam admodum differre possunt. Animales habes quæ illi actioni corporeæ unitæ sunt, ita ut voluntas, aut his actionibus excitandis operetur, aut iis natis moveatur. Quinque sensus externi, ita & interni, animi affectus, motus voluntarii, in quibus omnibus est ingens quoque graduum diversitas; unde probè intelligitur quid sit vita, quandiu durare possit, in quibus potissimum consistat, demùm quibus ultimò carere possit utcumque perseverans.

III.

IS est vitæ fomes ultimus, cujus auxilio diutius vita ipsa conservatur, in quo tanquam in suo principio residet; calor enim est præcipuus vitalium operationum minister, unde in eo potissimum vita conservatur: *Aristoteles de longit. & brev. vitæ*, quia calor in reliquis qualitates dominium obtinet; unde frigus tantum per accidens ad vitam conservandam concurrir, quatenus calorem temperat, ejusdemque nimiam dissolutionem impedit. Cave calorem in præsentia existimes cum qui viventis corporis partibus ratione temperamenti inest, communiter *elementare* dictum; nec etiam eum qui præter naturam accedit, qualis est febrilis, vitæ inimicus; sed blandum & nativum quem partes ex seminis calore sibi insitum obtinent. Cùm verò hic calor sit accidens, & hanc ob causam certum aliquod subjectum requirat,

ideo ad vitam conservandam humidum quoque concurrit : non illud quod *elementare* dicitur, nec etiam illud quod ex alimentis simpliciter comparatur, aliàs *alimentare* dictum : sed humidum primigenium, congenitum & radicale, quod ex semine omnibus partibus viventibus ingeneratum est. Ideò humidum concurrit ad vitam : quia calor, cum sit activa qualitas, passivam aliquam sibi adjungi necessum est, non autem siccitatem, quia aliàs calor majores vires acquisivisset, & vivens in principio statim consumpsisset, utpotè cum sic caloris activitatem maximè intendat. Quale autem humidum vitam nostram conservans esse debeat, asserimus illud esse primigenium & radicale, quod cum reliquis innatum, calidum constituit, & spiritui vitali ex sanguine & succo nerveo, subjectum & pabulum præstat. Quale per generationem ex vivificâ seminis humiditate partibus nostris relinquitur.

I I I.

ATQVI non respirationis auxilio demerforum vita diutius & ultimò fovetur. In situs autem calor cum spiritu à calore influente conservatur, undè cor fons vitæ rectissimè dicitur, quatenus est officina caloris, & spirituum influentium. Oportuit enim ad conservandum, reficiendumque calorem in animali, locum aliquem esse, qui sit ipsi fomes ac veluti focus, ignis nativi primordia conservans, quod de corde meritò dicitur, cum insito suo calore non sibi solum, sed toti quoque prospiciat, quatenus præter propriam nutritionem, sanguinis aliquam partem ita alterat & elaborat, ut inde spiritum vitalem caloris influentis subjectum efficiat. Cor elaborando sanguini & spiritui vitali, atque calori inservit; quam ob causam peculiarem motum obtinet hoc viscus qui Systole & Diastole constat. In illâ cor præparatum sanguinem pulmonibus & spiritus vitales pro totius conservatione à se se transmittit; in hâc sanguinem à venâ cavâ & à pulmonibus, mediante arteriâ pulmonali, recipit tanquam materiam pro elaborandis spiritibus vitalibus necessariam. (*Archangelus Piecol. l. 4. prælect. Anatomic. Sect. 5.*) præcipuum & clarissimum cordis officium statuit, corpus homi-

4

nis à putredine conservare; idque quatenus assiduò movetur: quatenus autem duplici motu cietur; duplex alius usus cordis elucet per Systolen ac Diastolen præstitus: nam per Diastolen hausto frigidiore aere, in quo demersus latet calor æthereus & cælestis, tum perpetuò calor cordis elementarius motionibus assiduus auctus refrigeraretur: per Systolen verò ex caloris ardore prægnata fuliginosa excrementa assiduò foràs abiguntur. His tribus usibus quartum annexere possumus; nimirum ut jugiter generet sanguinem & spiritum vitalem, quo tanquam nexu, & vinculo copuletur facultas vitalis cum toto corpore, vitæ gratiâ. Hæc Archangelus; nos ultimum hunc usum, primum judicamus: licet enim finis extremus sit conservatio totius, eandem tamen, mediante sanguinis & spiritûs vitalis generatione, cor peragit, cui uterque motus cordis operatione suâ interservit.

L. V.

QUAMVIS enim cor primum sit vitæ organum, non tamen in perfectis animalibus suo munere probè fungi potest absque respirationis adjumento & motu sanguinis, quam ob causam jam consequenter in medio ventre sese offert pulmo. Absque respiratione, inquam, quia calor temperatur, perficiturque primariò pulmone, per dilationem seu inspirationem, & compressionem seu expirationem. De quo vide *Mercatum. q. 118. Clas. 1. Num. 31*. Tum dixi absque sanguinis motu; vena enim cava sanguinem mittit in dextram cordis auriculam quæ tum sese constringens, receptum sanguinem in ventriculum dextrum cordis pellit; quo repleto, cor dilatatum pulsum edit, sanguinemque impetuose protrudit per arteriam pulmonalem in pulmones & quibus sanguis redit per venam pulmonalem in sinistram cordis ventriculum, ex hoc in aortam, ex hac in arterias totius corporis, ex his in venas, denuò ex venis in cavam motu circulari. Est autem pulmo corporis organum omni vasorum genere, ad respirationis usum pulchrè conformatum. Carnem propriam ac spongiosam obtinet, utpotè cordis quasi flabellum. Omni verò vasorum genere constat, tam propter vitam, nutritionem, ac

sensum proprium; quàm propter operationem officialem quam
 sustinet. Hujus dilatatione aerem externum haurimus & inspira-
 mus, ejusdemque contractione fuligines expellimus atque expira-
 mus. Est enim respiratio *ἀναπνοή* Græcis (*Heurnio dicente l. 1. in-
 fit. c. 5.*) motus quo aerem frigidum ducimus, aut fuligines
 excludimus, ad temperandum, nutriendum & expurgandum
 cordis calorem nativum. Hic igitur cordis actio dupliciter adju-
 vatur, tum quòd aer attractus in tenuissimâ pulmonum substan-
 tiâ præparatus eidem transmittatur, tum etiam quòd fuligines ex-
 coctione spirituum resultantes, tollantur & expellantur. Est qui-
 dem triplex respirationis usus, nimirum caloris temperatio, spiri-
 tuum restauratio & fuliginum expulsio, sed minimè eodem modo
 à naturâ intentâ, cum sibi invicem subordinari videantur, & in
 eodem conveniant quòd spirituum generationem in corde adju-
 vent duplici illo quem apposuimus modo; cuilibet attendenti
 innotescet pulmonem esse quasi cordis mancipium non tamen itâ
 absolute necessarium, ut eo statim deficiente statim functiones
 cordis vitales deficient. Nec necesse nobis recurrere ad modum
 quo vitam trahunt fœtus in utero materno; neque cum quibus-
 dam falsò supponendum, urinatoribus & quotquot in aquis vixêre
 foramen ovale iterùm apertum fuisse. In fœtibus idè foramen
 illud apertum est, ut liber, adsit sanguinis circuitus quapropter
 tunc temporis abesse potest pulmonis actio, itâ & in demersis per
 aliquot temporum intervalla, absque eo quod functio vitalis præ-
 cipua seu cordis motus, qui solus tunc temporis in iis esse potest
 vitæ fomes, deficiente ipsamet respiratione, ut patet, necessariò itâ
 pereat eodem instanti.



QUANTUM ad submersos ipsos qui in aquis periôre parvi
 nostrâ referre videtur, an respirationis defectu in aquâ de-
 glutitione, etsi experimentis Medicorum de *Littre & Becceri*,
 item & actis Regiæ Scientiarum Academiæ 1719 & 1725. re-
 perti sunt submersi, in quibus nullâ aquæ guttula, tunc in pulmo-
 nibus tum in ventriculo, reperta fuerit. Secundum D. de *Littre*
 contrarium ferè innuï tamen videmus, quia pro *Beccero* ste-

tisse videtur quasi obsequii causâ: Ast quod certò certius est, non aquæ vomitione, sed refocillationis ope quotquot resuscitati sunt? Neque etiam potiori jure suffocationis causa videtur esse respirationis defectus; verum enim verò dum quis in aquas demergitur quandiu in iis commoratur, tandiù respiratio in eo impeditur, aer quippè in hoc à fluido suis orbatur proprietatibus. Nihilominus permulti visi sunt diu in aquis vixisse, inter quos referre est olitorem succum, qui teste *Pechlino* sexdecim horas in lympharum carcere detentus est: undè eductus sensim sine sensu vitæ indicia præbens, demùm ad vitam redux inter ea quæ sibi evenerant, narravit, cùm fundum aquarum periisset, sibi visum fuisse quasi vesicam supra laringem & pharingem fuisse impositam, quâ os ita obturabatur ut aquæ aditus omninò intercluderetur, imò potius per aures quàm hâc aditus patere, attamen sibi tunc temporis molestissimum fuisse, urbis *Stokolm* campanarum sonum, quod motûs & sensûs solum sibi remansisse indicium retulit. *Tilasius* aliam refert cujusdam mulieris historiam quæ hoc ipso tempore tres dies in aquis commorata. Aliæ sunt hujus generis testibus locupletibus probatæ, quales in Actis Regiæ Scientiarum Academiæ anni hujusce ultimi. Medicus quidam inter Helvetios refert, sui ipsius curâ, submersos inter duodecim ad vitam redditos fuisse quotquot non ultra duas horas in aquis permanserant sepulti, motûs & caloris ope id præstitit, ipsos agitari jussit in doliis, cæteris deficientibus; deinde propinatis aquis stillatis, necnon tabaci fumo, quemadmodum antè paucos annos Prætorianorum legionis Miles, adstante Academico Viro, ope tabaciariæ fistulæ, tabaci fumum insufflavit in anum pueri submersi super *Sequanæ* arenâ Solis calori expositi, pariter exagitati, puerum ipsum ad vitam reddidit, adhibitis iisdem refocillantibus ac suprâ. Cujus ope hi omnes vitam sustentare? Numquid respirationis, quæ tunc in illis aberat? Num aquæ vomitione? In quibus nihil aquæ esse à submerforum cadaveribus multis, comprobatum est: sed refocillationis gratiâ vitam recuperarunt; calor enim est vitalis in corde & sanguinis circuitu superstes, sensim redintegratus, cujus solius utcumque auxilio vita sustentari, foveri & conservari potuit. Procul igitur plebis rudis sicut & veterum mos vitæ ipsi insensissimus, quo submersos ipsos, capite demisso, pedibus sursum de-

rinent; imò potiùs exagitandi & refocillandi sunt, adhibitis adhibendis, ut in corde caloris fons quasi sopitus resuscitetur & removeretur, totumque pariter corpus.

Non ergo demerforum vitæ fomes ultimus, Respiratio.

DOMINI DOCTORES DISPUTATURI.

<i>M. Benjamin-Ludovicus Lucas</i> <i>de Laurembert, Aëtiæ Præ-</i> <i>ses.</i>	<i>M. Ioannes-Baptista Dubois,</i> <i>Professor Regius.</i>	<i>M. Antonius Pepin,</i> <i>Regis</i> <i>Consiliarius, & in Portu Bre-</i> <i>stensi Medicus primarius.</i>
<i>M. Leander Peager.</i>	<i>M. Guillelmus-Josephus de</i> <i>l'Épine.</i>	<i>M. Ioannes Herment, Medicus</i> <i>Regis ordinarius.</i>
<i>M. Ludovicus - Alexander</i> <i>Vieillard.</i>	<i>M. Ludovicus - Hyeronimus</i> <i>Cosnier.</i>	<i>M. Raymundus-Jacob Finot.</i>

Proponebat Parisiis SILVESTER - ANTONIUS LE
MOINE, Mimatenfis, Baccalaureus Medicus,
A. R. S. H. 1740. à sextâ ad meridiem.